

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган

www.ishonch.uz

@ishonch1991@yandex.uz

https://www.facebook.com/ishonch.gazetasi

https://t.me/ishonchgz



«Ishonch» саволи

Молия вазирлиги, Халқ таълими вазирлиги ҳамда Самарқанд вилояти ҳокимлигига!

Қонун ва қарор талаби қачон бажарилади?

Хавфсиз ва кафолатланган иш ўринлари яратиш, ходимларнинг меҳнат, техника хавфсизлигини таъминлаш иш берувчи зиммасидаги вазифа. Аммо халқ таълими тизимида бу масалага эътибор ҳалигача суст. Мана, неча йилдирки, бу муаммо ўз ечимини топмасдан келаётир. Энг ачинарлиси, ҳали-ҳануз мактабларда меҳнатни муҳофаза қилиш талабларига риоя қилишини таъминлаш, унинг бажарилиши устидан назоратни амалга ошириш бўйича тегишли кўникмага эга ёки меҳнатни муҳофаза қилиш бўйича тегишли тайёргарликдан ўтган мутахассис лавозими жорий этилганича йўқ.

Ваҳоланки, «Меҳнатни муҳофаза қилиш тўғрисида»ги қонуннинг 12-моддасида ходимлар сони 50 ва ундан ортиқ бўлган ташкилотларда етарлича малака ва кўникмага эга мутахассис лавозими жо-

рий этиш белгилаб қўйилган. Шунингдек, Вазирлар Маҳкамасининг 2018 йил 31 декабрдаги 1066-сонли қарори билан тасдиқланган «Ташкилотларда меҳнатни муҳофаза қилиш хизматини яратиш ва фаолиятини ташкил этиш тартиби тўғрисида»ги низомда ҳам меҳнат муҳофазасини ташкил этиш вазифалари аниқ-тиниқ белгилаб қўйилган. Ўрганишлардан маълум бўлдики, халқ таълими тизими муассасаларида бу масалага мутасадди қилиб белгиланган шахслар етарлича малака ва кўникмага эга эмас.

Биргина Самарқанд вилоятидаги 1280 дан зиёд мактабда ходимлар сони ўртача 60 нафардан кам эмас. Аммо ҳалигача мактабларда меҳнат муҳофазаси мутахассиси лавозими жорий этилганича йўқ.

Мактабларимиздаги яна бир ҳолат кишини ташвишлан-

тиради. Бу – иш ўринларини меҳнат шaroитлари ва асбоб-ускуналарнинг жaroҳатлаш хавфилиги юзасидан аттестациядан ўтказиш масаласи. Вазирлар Маҳкамасининг 2014 йил 15 октябрдаги қарорига илова қилинган Низомда ҳар 5 йилда камида бир мартаба меҳнат шaroитлари ва асбоб-ускуналарнинг хавфсизлиги шаҳодатлини зарурлиги қайд этилган. Аммо бу масала ҳам тизим мутасаддилари эсидан чиқиб қоляпти.

Яна бир неча ойдан сўнг таълим муассасаларида иситиш мавсуми бошланади. Мактабларда амалдаги қонун ва қарорлар талаби ижро этиладими ўзи? Агар ижро таъминланса, қачон?..

Усмон КАРИМОВ,
Ўзбекистон касаба
уюшмалари Федерацияси
Самарқанд вилояти кенгаши
меҳнат техник инспектори



Меҳнат ва ижтимоий муносабатлар академиясига 2022-2023 ўқув йили учун 1300 нафарга яқин абитуриент ҳужжат топшириб, шундан энг билимли, изланувчан ёшлар талабалик бахтига муяссар бўлишиди.



Шу муносабат билан талабалikka тавсия этилган ёшлар учун таништирув тадбири бўлиб ўтди.

Тадбирни ректор С.Аҳмедов кириш сўзи билан очиб бериб, талабалик – киши ҳаётида айна туб буриллшлар юз берадиган давр экани ва унинг бир сониясини ҳам зое кетказмасдан бор куч-ғайратни фақат илм олишга сафарбар этиш лозимлигини таъкидлаб ўтди.

Шундан сўнг ўқув ишлари бўйича биринчи проректор А.Атаматов академияда ўқув жараёни ва тартиби хусусида атрафлича маълумот берди. Ёшлар масалалари ва маънавий-маърифий ишлар бўйича проректор А.Мирзажанов эса ёшларга яратиб берилган шарт-шaroитларни бирма-бир баён қилди. Замонавий аудиториялар, компьютер жиҳозлари, электрон дарсликлар, видеокузатув воситалари, спорт зали, ошхона шулар жумласидандир.

Ўқишга кирган ёшларга қўйиладиган талаб эса битта, яъни мавжуд имкониятлардан самарали фойдаланиб, жамият ривожига муносиб ҳисса қўшадиган кадрлар бўлиб етишиш.

Озодбек ҚУВОНДИҚОВ,
Меҳнат ва ижтимоий муносабатлар
академияси матбуот котиби



Тақдир... Синов... Сийлов...
Кўшкўпирлик Шаҳодат
Ҳаллиеванинг ҳаётида синовли кунлар кўп бўлди. У турмуш ўртоғининг вафотидан сўнг руҳан тушкунликка тушиб қолди. Ҳаётдан ўмиди ўзилган эди. Аммо бир нарса – қизалоғининг порлаб турган кўзлари унга куч бағишларди.



«Аёллар дафтари»ни варақлаганда...

Ертўладан замонавий уйга



– Турмуш ўртоғим вафот этгач, сал ўтмай келин бўлиб тушган хонадонимга сизга қолдим, – дейди Шаҳодат Ҳаллиева. – Ота уйимга қайтиб боришга мажбур бўлдим. «Чиққан қиз чиғирикдан ташқари» деганларидек, барибир, у ерда ҳам ортиқчалик қила бошладим. Ижарама-ижара юрдим. Бу орада хасталик ҳам мени четлаб ўтмади...
Кўшкўпир туманидаги 15-мактаб ўқитувчиси

Барно Бердимуродованинг ҳикояси янада аянчли.
– Шу кунгача «Полвон» маҳалласида жойлашган тўйхонанинг ертўласида яшаб келдик... – дейди муаллима.

Яқинда «Аёллар дафтари»га киритилган хотин-қизларнинг 12 нафарига Кўшкўпир туманидаги «Евғир» маҳалласида қуриб битказилган кўп-қаватли замонавий уйлارнинг қалитлари тантанали равишда топширилди.

Улар орасида Шаҳодат ҳам, Барно ҳам бор. Уй-жойга муҳтож хотин-қизларга субсидия асосида ажратилган ушбу хонадонларнинг бошланғич бадал пуллари тўлаб берилган.

Маълумот ўрнида қайд этиш жоизки, Хоразм вилоятида «Аёллар дафтари» тизимининг 3-босқичига 6 та тоифа бўйича 35 минг 511 нафар эҳтиёжманд хотин-қиз киритилган. Уларнинг 11 минг 212 нафари ижтимоий ҳимояга муҳтож, ишсиз, 3 минг 650 нафари тадбиркорлик қилиш истагида бўлган, 8 минг 474 нафари боқувчиси бўлмаган эҳтиёжманд, 5 минг 728 нафари ижтимоий ёрдамга муҳтож биринчи ва иккинчи гуруҳ ногирони бўлган, 840 нафари уй-жойга муҳтож эҳтиёжманд ҳисобланади. Бугунги кунгача «Аёллар дафтари»га киритилган хотин-қизларнинг 23 минг 599 нафарига, яъни 66,5 фоизига амалий ёрдамлар кўрсатилди.

Гулноза УМИРОВА,
Хоразм вилояти Оила ва
хотин-қизлар бошқармаси
матбуот котиби

Фарғона
вилояти

Таъмирланган мактаб таъмирга муҳтож

Данғара туманидаги 18-мактаб биноси таъмирга муҳтож. Шу боис ўқи-тувчилар-у ўқувчилар ҳамжиҳатликда «Очиқ бюджет» лойиҳасида иштирок этишди ва 450 миллион сўмлик лойиҳани ютиб олишга муваффақ бўлишди.



Ушбу маблаг эвазига икки қаватли мактаб биносининг ташқи қисмини жорий таъмирлаш ва эшик-ромларни янгисига алмаштириш кўзда тутилган эди.

Аммо негадир таъмирлаш ишлари давомида мактабнинг фақат олд қисмигагина пардоз бе-

рилган. Мактаб биносининг икки ён томони ва орқа қисми жорий таъмирга муҳтож бўлса-да, негадир бир қарич жойи ҳам таъмирланмаган. Қолаверса, эшик-ромларнинг ҳаммаси ҳам янгисига алмаштирилмасдан ташлаб кетилган.

Хуллас, мактаб биносининг олд

қўриниши кўзга чиройли кўрингани билан мактабнинг ён ва орқа қисми таъмирга муҳтож. Урнатилган дераза-ромларнинг айримлари кўл учидан ўрнатиб кетилган. Баъзиларининг сифати мақтагулик эмас.

Айтар сўзимиз шуки, масъуллар мактаб таъмирини бир кўздан ке-

чириб қўйсалар, яши бўларди. Ҳар ҳолда, 450 миллион сўмлик лойиҳани нотан мактаб жамоаси ва бу ерда таълим олаётган ўқувчилар мактабнинг ҳар томонлама чиройли бўлишини истаган эди.

Жамшид ЭРГАШЕВ
«ISHONCH»



